

Мажлис бетерхур

Декабрь базличи, Избер-баш шагъарлизиб Дагъиста гялимтала мажлис бетерхур. Илар бутлакьяндеш дариб лебилра республикализибти динна агълули.

Шагъарла жумягъла мижит динна гялимтала вягъаличи лекъехъес дигутани гарчли бицдилри.

Саламтала гъайличил балбуц абхъиб Дагъиста Республикала Муфтийла кумекчи Казим Темирбулатовли. Илини Чевягъси Аллагълис ﷻ шукру бариб илгъуна мажлисуначи цахнадиркахъес ахъри гибнилис, ва илди далдуцуни дурадуркни Аллагъли ﷻ нушачи бируси халаси уркъецли саби или буриб.

Илав гъайхунси Каспийск шагъарла жумягъла мижитла имамла заместитель Гябдуллагъ Хидирбековли буриб жамигъатла дехлибала дирнила гягъдешличила ва илди дирутас биуси керили- чила.

БЯХІ 2



Вегъла душмант

Имам Гъазали викъусири: «Багъахъа гъазават хлела 12 чехледути душмантис: вегълис вегъли дигахъни; уктемдеш; вегъличила халаси пикри; къиркъирдеш; гясидеш; сабурбарес хлейрни; хъунул адамтачи гъаръдеш, иштях!; къяна бурни; макру, къалпдеш дирни; шутни-къумби, мездирни; бугътан чебуршни. Илди хлед мутигъдарили, илдачивад чедивикес виадли, илхлели хлу вируд чебиути душмантачилра ургъес!»

Губденниси архія

Дагъиста Республикала Муфтийла заместитель Гягъмад Кахаев бузерила архіяличил Къарабудагъкентла районниси ваиб. Губденна шилизиб гялимли жумягъ бархила вягъза белчлес гъалаб жамигъатлис ДР-ла Муфтий Гягъмад Гябдуллаевла саламтала кагъар белчлун. «Ахлерти динна узби! Губденна ши машгурти динна гялимтачил хабардерхурси ши саби. Нушала гялимтани чебаахъибси бархъси гъунчирад дашни, Мяхъаммад Идбагълис ﷻ геларад дашнигъуна саби...», – буриб илини.

БЯХІ 2

Газета «Ас-салам» азербайджантала ва татартала мезличил

Россияла дин ва багъуди тинтибирнила газета Ас-салам 20 дусличибра имцали дурабулхъули саби. Илди дусмазиб ил чуйнара барсбариб, ункъбияхъес ва гягъбухъахъес пикриличил. Дизайнлашал ва дурадулхъути макъалабалашалра барсбиуб. Урус мезличил дурабулхънила дурабад, бучантас дигахъу миллатла мезличил дурадулхъути газетабира.

Ил багъандан ишбархли нушани багъахъес дигула машгурси газета «Ас-салам» азербайджантала ва татартала мезличилра дурабулхъан. Вегъла мезличил газета бучни – нешла мез, культура,

тарих, рухъла давла мурхъдиклахъни саби. Иличибли дусмадли кадизурти шаригъатла къанунти гъанна гъатира бахълис вегъла мезличил дучлес имкан бирар.



Унра ва мавлид



БЯХІ 3

Хивала къиматличила



БЯХІ 4

Янилизив секъяйда къаркъа арадеш бихлес гягънисил



БЯХІ 7

Мажлис бетерхур

1 «Нуша жамигЯтличил дехИбайчи кадилзахЛелли, шайтунтас кьянбулхъан нуша бархъси гунчирад чердалкIахъес. ИшбархИ, декIар-декIарти багънаби даргили бахъли дархъдалтули сари жамигЯтла дехИбала. Чумилра дурхъати хIядисуназиб бурили саби савлила ва дугила дехИба гIяхIдешличила. Нушабра ил аргъили гъатIира ЧевяхIси Аллагъла ﷻ разидеш ва къабулдеш сархес къайгъибарес чебиркур», – буриб П.Хидирбековли.

Машгъурси гIялим МухIаммад ЯгIсубичила, суненира лерил гIямру ЧевяхIси Аллагълис ﷻ гIибадат бирули деркибси, цалабикибтази буриб ДР-ла Муфтийла заместитель Идрис Асадулаевли.

Курахла районна имам Шамил ГIямаровли мажлисличи цалабикибтази аргъахъиб, секъяйда вилрес гIягIнисил адаблашал бусурман адам республикализив ва илала дуррав. «Нушала цамерлантани, сабира республикала дураб хIербирути, дубурлантала яхI-намусличила ва дагъистанлантала гIяхIялдешличила



хъумхIертни дебели дигеси анцIбукъ саби. Илкъяйда бизсра гIягIниси саби, нушани иличила буресра гIягIниси саби нушала динна узбачила гIяхIсицун пикри калахъес багъан-

дан. МухIаммад Идбагла ﷻ дурхъаси хIядислизиб бурули саби (мягIна) «Къиямала бархИ адамла умцантациб бегIлара декIси саби адамла уркIила умудеш ва гIяхIси хIял-гIабигIят.

Жибирулра лебилра, хаслира жагъилти гIяхIбаркъ бирес цаличи ца абзбикIахъес», – викIи Ш.ГIямаров.

Дазала дирнила тяхIяркъяйдаличила ва къаркъа умудеш бирнила гъаб-гIергъидешличила илабтази буриб Къарабудагъкентла районна имам ГIябдуллагъ Аджимоллаевли. Илкъяйдали гIялимли аргъахъиб къаркъа умудеш бирухIели фарз ва суннатуни дузахънила агикъяйдаличила.

ДР-ла югла мер-мусала шайчивси вакил Магъди ГIябидовла вягIза хасбарилри исламлизиб биштIатас бедлугуси бяркълис ва хъалибаргIис. Хъалибарг бехIбирхъуси саби жагъси уршили хъайчикайс пикрибарибхIели, гъалмагъ черрикIибхIейчибад, баянбариб гIялимли.

Ахирличив гъайухъунси Дагъиста Муфтийла заместитель ГIяхIмад Кахаевли Муфтий шейх ГIяхIмадхIяжи ГIябдуллаевла шайзирад саламтала гъай дуриб ва цалабикибти пергерла мажлисличил мубаракбариб. Пуррара илини буриб цала цали секъяйда хIурмат бирес гIягIнисил.

Путин: «ислам» ва «террор» дугъби дарх пайдаладарес асухIебирар

Россияла Федерацияла президент Владимир Путинни Москвализибси пресс-конференцияличиб «Кавказ ИшбархИ» бикIуси изданиела ва цархИилти журналистунала динничила ва терроризмаличила дедибти суалтас жавабти дедиб, сунела пикри аргъахъиб.



Террористунала къукъялис «Исламла пачалихъ» бикIнира къадагъабарес ибси пикри буриб. В. Путинни имцIабариб: «Дугъби «ислам» ва «терроризм» дарх пайдаладарес гъеч асухIебирар, сен ахIенну илдала бархбас лебси ахIен. Террористунала я илди гIеббурцутала пачалихъличил я исламличил сегъуналра бархбас лебси ахIен, я хIебирар.

Губденниси архIя



1 « Пур П.Кахаевлис имам ан-Навила у бихIуси мадраса чебахъиб. Мадрасала директор МухIаммадшарип Биярслановли бакIибти гIяхIли тянишбариб илабси белчIудила тяхIяркъяйдаличила. Илкъяйдали Муфтийла заместительлис баркаллала кагъар бедиб илини белчIудила ва бяркъ бедлугнила шайчиб кумекбирни багъандан.

Илис гIергъи П.Кахаевли районна динна агълуличил Губденна шилизибадти гIялимтишагъидунала хIябрачи зиярат бариб.

Илкъяйдали ил Къарабудагъкентла шилизира ваиб. Илини районна имам ГIябдуллагъ Аджимоллаевличил варх багъуддумала отдел ва Къарабудагъкентла районнизибси «Инсан» фондла учреждениелизи архIя дураберкIиб.

Трампли бусурмантас децIигахъутас къаршидеш багъахъур

Сагали викIибси США-ла президент Дональд Трамп сунела балликъянабачи ва шаликартачи дугъаизур бусурмантаци ва мигрантуначи къаршили илди убяхIбирули, яра децIигахъули селра хIебикIахъес.



Журналистунани багъахъур, ил президентли викIнила выборти детерхурли гIергъи илала шаликартани бусурмантаци ва дурабад бакIибтаци гужбирули биъниличила.

«Илгъуна тяхIярличила багъурхIели, гъайгъай, нуни илди зулмурти тIашаахъес бурира, белики илизибад гIяхIдеш бизс» – викIи ил.

ГъанбиркахъехIе, выбортас гъалаб илини цIакъбарили бурибсири, мигрантуназибад США берцахъес багъандан, Мексикаличилси дазуличиб лац тIашбатес гIягIнили биъни. Илкъяйдали бусурмантас къадагъабарибсири улкализи гечбирахъесра. ПурхIели, президентла сайтличибад илгъуна убасибсири.

Пур миллиардерла чиди гъайличи вирхаруси?

Учредитель
Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет
Председатель редакционного совета муфтий РД Ахмад-хаджи АБДУЛАЕВ
заместитель муфтия РД Мухаммад ДАВУДОВ

Главный редактор
Азиз МИЧИГИШЕВ

Редактор
Наида ГУРУЕВА

Канонический редактор
Дауд ГАСАНОВ

Корректор
Наида ГУРУЕВА

Дизайн, вёрстка
Мухаммад МУХИДДИНОВ
Иса ОМАРОВ

Менеджер
Абдусабир АХМЕДОВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-42079 от 24 сентября 2010 г.

При перепечатке ссылка обязательна.

Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.

Заказ _____

Сдано в печать: (график) 15 января 2017 г. в 15:30 (факт) 15 января 2017 г. в 15:30

Тираж 2 500 экз.
Адрес редакции
367027, РД, г. Махачкала, проспект Акушинского, 5-я линия, 19. Телефон редакции: 8-928-530-59-70.

По вопросам подписки и доставки обращаться по телефонам: 914-222, 8-988-291-42-22.

e-mail: assalamweb@gmail.com;
www.assalam.ru

Унра ва мавлид

Гяһси гявличил хулирад дура-рухъи ганзухъ ихъулели наб унра къарширкиб. Саламра бедили нуни илизи разили бурулра ну мекъличи аркюулира или. Мекъра гядатла ахленну бусурмантала мавлид саби. Ил риклар: «Вай, рякъунра ну гъачам илгъуна мавлидличи, тяништани жирарили, наб гяһхлебизур. Анцбукъеси лебри, музыка аги, лебилра беркайзи абархилри, илала дурабадра къяш-мала вайси майъала гяг лебри!»

Наб гъанбикиб, дила унра рякъунси мекъ хулиб барибси бурги или, ва баклибтас дабри чердатес чебуркъубли биэсра бирар. Амма, ну беклиил гымхеруктира, гъатира разириубра, сенахленну, илини сунела урклилабси буриб. Нушани адатала пикри балули диахелликун нушаб се биалра барсбарес гъамадли бирар.

Нуни пишряхъили илизи бурира сегъуна пергерла мукъри-мавлидуни дирарал нушала. Унра тамашали набчи херризул ва аррякъун.

Ил дила унра гяһси, разиси адам сари. Мурталра нушала бусурмантала къанунти хясибли чегурти палтарлис гапла гъай дурули рирар. Бекличи клана кабурушила тяхярличи ва ил бихнила жураличи хяйранни рирар. Наб гъанбикиб, ил урки-урклиларад или риклуси сари или. Ил чумилра дус Дагъистайзир херриули сари, ил сунес ватаннира бетаур.

Дагъистанлантала хурегунира дебали гяһдилзули суненира дирули рирар. Ил секлай биалли илала бусурмантачила пикри-хер гяһси биъни чебиахъули саби. Чянкли илис ит

мавлидличи се-биалра хергъили мага анцбукъи бурги. Нуни илизи чесира, нушала гъарли-мрти мавлидуни далай-делхъ ва бержесил агарти, секъйда пергерли детурхарал бурес.

Нуша мурталра деар-декарти миллатунала ургар хердирутира. Нуша бегтани дяркъртира лебталалра хурматбирахъес. Нушаб пикрилра хлебаши се дин бузахъулил илдази



хярбаэс. Гъанна биалли, динничила нунира имцали баланриубхели, гъайгъай, нуни илдала гъатира халаси хурмат бирулра.

Хердизая, севан замана барсбиклули! Гъар селра гяһшал дарсдиклули сари. Адамтани мавлидуни дирес бурсибули саби, ила иштяхличил башулира саби. Даширая нушанира бусурмантала динна жагадеш чебиахъеле жура-журала

миллатунала ва динна адатас. Наб дигахъира лебтанилара чебаили ва багъурли Чевяхилла къанунти хясибли хервирнила жагадеш.

Марлира, дираргу нушала пергерла мукъри. Гъарзаси заллизиб, ца шайчиб столти алав – мурул адатти, царал шайчиб – хъунул адатти. Гъалмагъра цикиурира – декарси столчиб. Цикиури шаригят хясибли бусурмантала къанунтачи мешу-

гъайгъай, иличибли ишбархи чилра тамашавиахъес хейрар. Амма, сен биалра, держлис харжани хедарес бируси саби мавлид, или биклутас буруси саби. Гъарилгалара биаб илгъуна ахъира имканра, Чевяхис Аллагъа разидеш сархили хердиэс.

Ишаб гапхлебарес хейрар нушаб мекъличир дурхъаси Къуръайзирад сураби ва аятуни делчайти. Мухаммад Идбагличила ва илала сунналичила хабурти дурайти. Илала бархъябачила ва кумекчибачила гибратлидиубти хабурти ва насихятуни дурибти, нашидуни делунти. Къантли буралли, баракатла мекъ лебри, иншаалла! Илгъуна мекъ-мавлид гяһхлебизес бирару? Нуни дила баягъи унра илгъуна мекъличи жирарили дигахъира.

Къашмазибси гяг биалли? Илизибкун бунагъ агара! ил чила бмалра чехелетаидеш бурги. Умудешличила гъайквалили, нушала Идбагли буриб: «Умудеш – динна байхъала саби». Умудеш биэс гягниниси саби рухла шайчибси ва къаркъа. Бусурманни бархилис шуйна дирути дехибала дазала агарли хедирар, ва къашми нястили диэс хедирар. Илди яра вайси качествола дабри яра синтетикала динди диэсра бирар. Иличиб халаси балагъ мабаклаб адаттачи!

Даширая, нуша гъарил иличила пикридухъи велла куц-кабизличи имцали пикри бяхичиэхеле. Сен биалра, нушабкун палтар-къяшличи херъили саби гунибути.

Нушала дигуси ва дурхъаси Мухаммад Идбагла гъунчирад дашехеле, вар ухла ва къаркъа умудеш бирехеле. Чевяхилли нуша Сунела разидеш сархитазирад диахъес къадарбиаб. Амин!

САКИНАТ ХЯЖИГЯХИМАДОВА

ТАРИХ

Лебилра дац някъбачил аркъян...

Веблес гъалав султан Сулейманни гярмияла бек командующий живарили илизи сунела хябал тилади дирули сай.



1. Илени васиятбариб, сунела жаназаличилс ганзи ит манзилла Османтала Империяла беглара бурибти тухтуртази бухахъес.

2. Кинбил илала мурад, ганзи хябрази архуси гъуникад мургъи-

ла къурушми ва дурхъати къаркъуби лайдаклахъес.

3. Хябъибилра тилади сабри, ганзиллич архухели сунела някъби кланхедарили, лебтасалра чедаахъес, гъаргли датахъни.

Илди дурибти дакъили гъузгъалдивибси гярмияла бек командующийли, се багъна лебли илгъуна буйрухъ бедисил бурахъес тиладибариб. Султан Сулейманни гъар секлал аргъахъиб: «Беглара бурибти тухтуртани дила ганзи буцаб ва лебтасалра чебааб, беклала гъалаб илди тухтурталара селра барес имкан хлебикни.

Лайдакая дила мургъи, гъариллис чедааб иш дунъяличир касибти мургъи-арц ишар калунни диъни.

Чедаахъя лебтасалра дила някъби, багъаб адаттани, лебил дунъяла Падишагъ султан Сулейман Канунира иш дунъяличивад дац някъбачил арукъни!»

ТАРИХ

Мура гъаларти хъуна чеблуми

Хъунуй мура гъалар халати жавабардеш дихути сари ва иличир халати чеблуми лерти сари:

- Хъунул хъалицализир муруйс таманни мутигли риэс ва илала ибси бирес чебиркур.

- Илис мурул вигахъес чебси саби ва иличил мурталра малхямли рирес гягнинибиркур, ил къабулли калахъес риубси бирес илала чебла саби.

- Умудешличичи чекарисес ва шаригятли кадизахурти тяхяркъяйда дузахъес чебиркур. Амма жагарис къасличил нудбазирти гъез лутес яра мурул адатла палтар дихес асухлебирар.

- Муруйзи хярхлебаили, илала хулибад се-биалра кайсес ва буртес асухлебирар. Ил баралли, илис бунагъ биур, муруйс биалли хъунуй бутибсила къадарла керу биур. Ил секлал чебетиуси саби бедисила къиматличи ва къадарличи. Амма камси секлал (къяжа, зе, пирхикл ва цархилти) дуртес асубируси саби ва илхели муруйсра хъунуйсра керу биуси саби.

- Хъалицала хянчи иличи хяр-



диркути сари: хурег бирни, къац буцни, палтар ицни ва ибни, сунела муруйсра дурхнасра.

- Муруйзибад пурбан агарли суннатла дуббуцари дурцес асубируси ахлен.

- Муруйзибад илини бедес вирусичиб имцаси тлалаббирес асубируси ахлен. Илени къаршидеш дирес чебиркур муруй хяррамси гъуйчил сархисиб лебдеш хули лебхилис. Идбагли иб: "Муруйзибад илини бедес вирусичиб халаси лебдеш тлалаббиреси хъунул адатлис ну икъалахейрус".

Дигуси ученик

Бағдадлизив хлерирули уили сай шейх Жунайд, сунелара бахъал марти ва кьайгычебти ученикуну лебси.

Илини дурхнала халаси хлурмат бирусире, амма шейхлис лебилрализивад ца Гябдуллагъ имцали дигахусири. Ил баркьуди цархилтас гяхилбузули ахленри ва кьясбирулри. Пачам, илала чеб-кад гьайбухъес чумра ученик иличи гьамбиуб ва хьарбаиб: «Хлурматла учитель, нушани багъес дирули ахленра ца секлал. Сен хлед Гябдуллагъ нушачив имцали гяхилзули ва хлурмат декларирусири? Илра нушагъуна ученик сай. Гьайгъай, ил гяхил учули сай, амма нушара геладулхъули ахленра. Нушала ургаб гьаттира гяхили бучутира бургар». Жунайдли жаваб бедиб: «Ва дила

дурхли, хлушанира ил секлал бахъли агарли иргидая». Чули бедибси суайс жаваб кахлесили бачабархили илди хьайгли арбьакун.

Ардякьун чумра жумягъ. Илданира чула хисаб-

суалтачила хьумартур. Пачам дарс таманбиубхели Жунайдли илдази иб: «Ва дила дурхли, дила хлулбала шала! Нуни хлушаб хъули хлянчи лугулра. Ишбархли, хлуша мадрасализирад

хъули чардухъунхели, хлушани лебтанилра, буцили гьаргя, чисалра чехлебиънаб белги, набчи кабухая».

Пергъила бархли лебилра ученикуну хъули хлянчи барили чарбухъун. Ца Гябдуллагъли биалли барили ахленри. Ил багъурти дурхли иличи чебухъун: «Сен хлуни учительли хьарбарисе хлебарри, цаххилбузулив хлед ибси хлебарес?!» Жунайдли илизи хьарбаиб: «Гябдуллагъ, хлуни сен хлебелгунри гьаргя?» «Чевверхи набчивад, хлурматла мугъаллим, амма нуни цалра мер хлебаргире ну Аллагъли чехлейуси!» – иб илини. Ил бакъили Жунайд разивубли Гябдуллагъ хьабруцуциб ва буриб: «Ва дила ученикуну, гьанна хлушани багъурра сен нуни илала халаси хлурмат бирусирал!»

Ахирличиб

Гьарли-марси ученик, марси динна насихиятчи кьайда, багъуди кайсули, ил мурталра ункъбиклахъули, гьалавяхли вашес гьаниси саби. Хлурматла юлдаш, багъи иман имцабиклахъес багъандан багъудицун баибси ахлен. Динна багъуди гяхилбухъахъес багъандан урки-уркилабадси бирхауди гьаниси саби.

Бирхауди галгагъуна саби: мякъи – багъуди кассес хлялумцли, кьалуби – баркьуди ва ил гьамрулизи бетерхахъни, цедеш биалли – хлекъдеш. Цедеш агарси галгализибад кьалли гьахледеш агара. Ахлерси гьалмагъ, вирен Жунайдла ученикгъуна. Хлу чинав виадлира, се бирули виадлира, багъи, Чевяхлиси Аллагълис хлу мурталра чейусири ва хлела гьарил пикри-къасра кацибси кьашла ганзра балуси сай.



АРАДЕШ

Хивала кьиматличила

Хивачила дахъал гапла гьай дурули дирар. Ил бархьсира саби, сенахленну илдани адамла кьаркьа бирклантаци бирусире асар халаси саби. Деклар-декларти излумасра дарманни дирар хиви.

Сибирьлантис чумал даршдус гьалаб бурсибиубтири кедрабала бухнала шиннизи суркбирули, гяхли ва бурт имцали лебси ниъ кайсес. Кедрабала гьавадеш кьамала гьавадешличиб гяхлиси саби. Хивала ва кедрабала урклбазир 60-65 процентла гьавадеш, 20 процентцад белокуни, 14 процентлацад углеводуну ва гьаттира витаминтира микроэлементуну лер, адамлис хляжатти кьиматчерти кислотаби, зе, калий ва магний лер.

Ил багъандан урклила тумала излумази бикибтас хиви маслигътидирути сари. Чакарла изайзи бикибтанира цархилти беркълумачил дарх, хиви дукни гяхлиси саби, амма кам-гьамти – дуги-хлерилизир 30-50 граммцад.

Хивала кьумбадайли кумекбирули саби руди ункъли дузахъес, илди гяхил жигарчердиахъес. Амма кьикъя яра умхитли изухели илди деркес асубирусире ахлен: хивала кьунбадайли берк-берж дашуси бухна кам вайтлабиркахъули саби. Хиви маслигътидирули ахлен церхьбиклути адамтас: хивала 100 граммлизир 600-цад килокалорий дирути сари.

Дикъхедикъурти дибгъанти цедешлизиб хаслира имцали бирар аскорбиновая кислота. Илдас, гинтлбас кьайдали, тлабигъатла витаминти сари или виклес вирар.

Хивла урклилизир белокуни, гьавадеш имцали сари, лер гьавати кислотабира, илкьайдали Б,Е ва Р витаминтира. Гьалабла замана хиви маслигътидирути агъулабиубти адамтасра. Авиценнала баянти хлясибли, ил изайчи кьаршили хиви пайдаладирутири – цедешла чедиб-

си кам, хивазибси гьавадеш, хивала кланрала яра илдала камла шин, илкьайдали хивала камла палда. Дибгъандарибти хиви варъаличил дархаили, Авиценнани хургърала излуми гьахлидирусири, хаслира туберкулез багълабирусире.

Хивала кланпрализирад даклахъибти шин лихлбала излумасра дармандирути сари, хивала камла шин биалли – ангина багълабарес. Гангренилис, хлулби тьахлуляхънила излумас хивала гьавадеш дебали гьахлиси саби. Сагати хиви дибгъандарили хли тлашдизахъес ва сели биалра барисе дяхъи багълабаресра пайдаладирутири.

Кланрала шин: дибгъандарили дерахъубти ца халаси кьулса кланралази ружер баклахъибти 2 стакан шинна кергъили, 2 сыгъат далтути сари, чакарла изайзи викибисили 1 халаси кьулса хлясибли бархили хляйна дужути сари. 50 грамм кланрала ружербаклибти 1 литр шиннизи кадирути сари – чакарла изайчи, журуга шулкращи кьаршили пайдаладиру. Илди шин илкьайдали пайдаладарес асубирар тьахлуляхъибти жура-журала излумачи ва кланчлубазирад дашути хлиличи кьаршили, кьак баргалгъуси саби илди шинни. Хлядурдарибти цархил журала шин мехела ва урклила тумала излумачи кьаршили пайдаладиру, беркунси секлал варглизиб ашал-гьахъа, хлургъри туберкулезла изайзи дикибхели, хьехличил дашути хли камдирахъу. 2 чяйла клуцл дицибти кланпри ружербаклибти 1 стакан шинни дархиу, ца сыгъат далта ва камъу. Илди байхъала стакан хлясибли, укес гьалар, бархили авна дужути сари. Геморройлисра делхунти кланпри кумекли детарар, гьайгъай, ванали лерай пайдаладаралли. Сагати кланпри халкъла медицинала дяхъурбала ва жижкнала чеди кадирути сари. Ил барес багъандан сагати кланпри дирцили пергъи диркъси мерличи кадирути сари ва кьутаси секлайчил кунк-кункли итути сари, илхели илад

цудара–шиниша рангла дуцти шин дурадлухъан. Илала пергъи кланпри дяхъурбазира жижкназира кадирути гьахлиси саби. Илди мурадунасра ишкьайдали дарман хлядурдирути сари: дибгъандарибти 15 грамм дерубти кланпризи 100 миллиграмм семечкала яра хляжланклила гьавадеш кергъуси саби, 8 бархли ардякьунхели шинна банялизир ца сыгъат руржахъути сари, катаннизирад кина камъути сари ва гьаттира 30 минут руржахъути сари, илала пергъи мурчла 15 грамм гьудурбарилли, дяргъяхъес далтути сари.

бархилилизир 10 грамм хивала дукес гьанидиркур. Илди гьими дурайнисра кумекли детарар.

Хивала дайларти кланпрализирад ишгъуна дарман бирусире саби: 25 хивлизирад илди дурайсути сари, 100 литрла спиртлизи кадирути сари, 10 бархли илар датурли гур гьар бархли 20 клантл дужули, бархили хляйна пайдаладирути сари. Илди дужухели 50 миллилитр ружер баклахъибти шинра дархиути сари – мастопатияли ва дурхилулис гьахлиси кумек бетарар. Ил дарман 2 баз бужуси саби. 10 бархли пайдаладарили



Хивазир дахъал фосфор ва кальций лерни багъандан рахитла изайчи кьаршили дурхля канилавти хьунрас ва биштлати дурхлинас пайдаладирути сари. Гипертонияличи кьаршили варъаличил дархаили, гьар бархли 100 грамм хлясибли 45 бархли дужути сари.

Хивала урклбазир илкьайдали дахъал магнийра калийра лер. Илдазибад цабибили хлила туми гьарзадирахъу ва имцали жихли дурайу, калийли биалли варглизибси натрий дурайу. Илкьайдали хиви гьахли сари кьикъялизиб цликдеш имцлабиубти адамтасра, гьар

пергъи, ил тьахяр тлашаили, кланайс даимбирусире саби. Илди дарма шин демдрила ва цархилти излумас, илкьайдали ракличи кьаршилира пайдаладирахъес маслигътидирули саби.

Гьалабла таджикунала медицинализир, кьикъяла излуми дакълудибхелира хиви пайдаладирутири. Кабизахъурли саби, илдани мехле, урки ва дулекл гьахил дебадирахъни, адамла гьавра ахъбирахъни. Хиви хаслира пайдалати сари гьести гьамрула адамтас. Илди дукети сари инжирличил ва кьимиз тлугиличил дарх.

Мухаммад Идбагла ﷺ баракатла хьунри

(бехИбихьуд арбякьунси номерлизиб)

Умму Хиябиба

Илра Идбагла ﷺ хьунрирада ца сарри. Ил цазамана Идбагличи ﷺ ва илала гилмуличи херхули калунси Абу-Суфьянна рурси сарри. Амма ил Идбаглис ﷺ беглара гьамти адамтала лугилизи карерхур, ил цаибти бусурман хьунул адамтала лугилизирадра сарри. Капуртани хералтухели Эфиопиялизи гечриубси ва илаб муруй христиан дин кьабулбарнила бикьри ретаурси илини гьямурузир дахьал чедаиб. Мурул вебкИиб.

Ит замана Идбагла ﷺ шали буцибтира бахьал аги. Илди мискинтира сабри. Илдазивад цалалра гяхИил хериз имкан аги. Умму Хиябигани се берес рири? Христиантала дин кьабулбарес ва илдала шайибад кумек кьабулбарес, яра геларяхИ хьули чаррухьес – капуртачи, яра гьабуцибси някьличил садакьа бурчес карерхес. Динниче чекаризурси, машгурси жинслизирадси хьунул адамлис ил барес асубуриули ахленри.

Дин багьандан дахьал кьиянжапа чадаес кьадарибуубси хьунул адамлис, сунела ватлайзирад гьарахьли кьарширикибхели, цлудара камла беглти адамтала ургар херрирухели, муруй цархИил дин кьабулбарибхели ва ил вебкИибхели, аргьеси сабри ил Эфиопияла императорличи Идбагличи ﷺ магьардихьахьес дугьаризни.

Ил хьунул адамтира бусурман хьунул адамтала рухла гьямурузи халаси пай кабибхьиб, сагати гяхИцад секлал кадерхакьур. Илра идбагла хьалибарглизир хьунула сарри илала марси ученицара.

Ил шери рякьИ гьегьИ Абу-Суфьянна хьалибарглисра жихебарибхелира Идбагла ﷺ хьалибаргличил барх бирес имкан багьарбууб. Илдала пикрумира дарсдиуб. Илгьуна асар Абу-Суфьянна хьалибаргличицун ахленри биубси, ил асар лебилра Омейядуначира четаибсири.

Зайнаб

ТалихИла юртлизи абацИбгазирад ца сарри илра. Халати кабизалачердешла, мурхьги рухла регI ил рурси Идбагла ﷺ тухум сарри ва илала мякьлар халараибсири. Идбагли ﷺ ил Зайдлис ураркьибсири, амма рурсила беглгас ил секлал гяхИбизурси ахленри, илдас дигули буилри чула рурсиличи сай Идбаг ﷺ хьайчикайили. Амма Идбагли ﷺ кьасчебдеш даклубариб ва рурсила беглти ил Харрисла урши Зайдлис редес кьабулбикахьиб.

Зайд муртрил ясируцибсири ва лагь ветаахьурсири, гIур Кьудратла ВеГли ﷺ ил лагьдешлизивадра акьуватахьурсири. Нушала Идбагли ﷺ беглара кьиянси баркьуди сунела хьалибаргличибад бехьбирхьусири, илис дугулри илгьуна хьалибарг аклахьубли, лебилра адамти цагьунти биьни кабизахьес. Амма ашкарлири, илгьуна багьудичерси ва дахьал пагьмурти лерси Зайнаб гужли аклахьубси хьалибарглизир херриэс херирнира. Зайдлисра иличи хьайчикайьнили сегьуналра гяхИдеш хехиб, дахьал гьязабтира дардра ахленси.

Мухаммад ﷺ Зайдлизи хьалибарг калахьес ва декларикнилизивад гелумизахьес махикниличе херхелили, илини декларикес кьасбариб. Илхели сай заклизивад Жабрагил малаик вакИибси ва Зайнабличе хьайчикайахьес Кьудратла ВеГла ﷺ хьарбаркь хибси. Ил чIумаси ва кьиянси имтихИан сабри. Илини сунес гьалаб чиллра хебарибси бариб Илини дахьИидиубти гьядатуначи кьаршиси дяви багьахьур. Ил бузахьес вируси сайри чIанкИли Кьудратла ВеГли хьарбарни хIасибли. Сайра Аллагьла ﷻ лагь виьнилизивад гьуни кайсули, ил кьиянси хьарбаркь таманбарес кьасбариб. Гьайшани бурни хIасибли, Аллагьла хьарбаркьуназибад селра дигьанбарес вируси виалри, Идбагли ﷺ сай Зайнабличе хьайчикайахьес хьарбирути аятуни дигьандири. Илцадра декли сабри Идбаглис ﷺ ил барес. Бусурман дин кабизес гьалаб цаибил муруйзибад аклубти дурхИнира сагаси хьа-

либарглизибра чулайзи халбирути, илдала муйлира хьунрира биалли чула дурхИнала муйлази ва хьунризил. Ил гьядат уббизахьес хIажатдеш аклубхели, мурталра кьайдали, Идбагли ﷺ гьар секлал сунечирад дехИдихьиб (ЗайдкIун илала убай урши сайри). Илини иб: «Гьарил хIу сунечи урши или гьамиубси хIела уршили хейрули кьайдали, илдала хьунира хIед дурхИнала хьунрили биэс бирути ахлен».

багла ﷺ тухумти ясиртили биэс хебирар». Ва лебилра ясирти баткаиб. Илкьайдали Жувайрала уркИи ва илала кьамла лебилра адамти разибаихьубтири.

Чебиули кьайда, сай урегцIали дус виубли гьегьИ илди хьунри кабиьнили, Идбаглис ﷺ гяхИцад челукьути суалти арзахьес имкан баклахьиб: беглара дархИбти ва хИиличи детикибти суалти арзес даршуси гьуни бургусири.



Ил хабар аргьибхели, Зайнабли кIел ракагIатла дехьибала дариб ва Аллагьу ТагIалачи ишдигьунти дугьбачил дугьаризур: "Ва Аллагь, хIела Идбаглис ﷺ ну ригахьулра. ХIед дигули ахьалли, дила хIурмат бара илала хьунул ретаахьес ва ну илис редаба". Илала балга кьабулбарибсири, иличила бурили саби "Ахзаб" бикIуси сурализибси 37 ибил аятлизиб.

Зайнаб мялхИямси, сахаватси, ряхИмучерси, уркИгьаргси, мискинтас садакьа буртIес дигуси сарри. Дурхьаси Гьямарли Идбагла ﷺ хьунрирада гьариллис 20 азир хIасибли дирхемти дедибхели, Зайнабли сунес даибти итмандан мискинтас дутИиб. Расулудлагьли ﷺ хIядисунала цализиб иб: «Дила хьунрирада бегI гьалар набчил рархрикур илдазирада беглара сахаватсигьуна». Беглара сахаватси Зайнаб сарри.

Кьудратла ВеГлис дигули ахьиб ил умуси ва черяхИси адам Идбагла ﷺ юртлизи арацIахьес, багьудила регI ретаахьес, дин гIинтIибурси ретаахьес. Ахирра ахир, тьап илкьайда бетра бетаур.

Жувайрия

Идбагла ﷺ юртлизи абацIес игьбарбуубгазирад сарри илра. Илала кьам дергьлизиб удибикьсири ва ясирбуцибсири. Ил кьамлизиб ахьси даража лебси адам Мухаммад Идбагла ﷺ гьала кибхели, лергIер гIясили ва гьимили рицИли сарри. ИлсикIун децIагилри сунела кьам удибикни. Бугаси гIякьула веГI Идбагли ﷺ илала суал гьамадли ва бархьли арзиб, иличи хьайчикайиб. Илини ил бусурмантала нешла даражаличе ахьруциб. Сунела шали буцибтани хIурмат бирусиди ретаахьур. Иличира че, Аллагьла Расулла ﷺ икьалачибани иб: «Ид-

Сафийя

Илра беглара талихИчебти хьунул адамтала лугилизи карерхурсири. Ил Хайбарла эмирла рурси сарри. Хайбар багьанданси дергьлизиб илала дудешра узира мурула кабушибтири, кьам биалли ясирбуцибсири. Сафийя чеббидес ва гьими ахьес гьаргьли сарри. Амма Идбаглис ﷺ шери рякьИ ил черяхИриуб, илала Идбагла ﷺ хьунул сарлин хIурматбирулри, икьалачиб биалли иличи неш или дугьабилзулри. Сай Идбагра ﷺ иличи малхИямли гьамирулри. Сафийяни лерилра вайти хьумартур ва сари Идбагла ﷺ хьунул риьниличе халаси пахру бирусири.

Сафийяла гяхИдешличибли бахьал иудейти нушала Идбагличи ﷺ гьамбуубтири. Кьудратла ВеГI Аллагьли ﷻ Идбаг ﷺ иличи хьайчикайахьили дахьал гяхИдешуни дихьуб.

Илала дурабад, илини сунела кьамла адамтала гьямуру ва рухИла дунья ункьли далутири, илдас динна шайчир дурсри кадихьесра бажардирикиб. Сафийяни илдачи халаси асар бариб, хаслира илдала рухИла дуньяличе.

Савда

Илра Мухаммад Идбагла ﷺ хьунул сарри. БегI гьалаб илала гьуни буцибгазирад сарри. Бусурмантас гелабдакьабиркуси замана муруйчил рарх илра, Умму Хиябиба кьайдали, Эфиопиялизи гечриубсири. Илар муруйзирадра мяхIрумриуб. Сарциун калун.

Ил гьязабтазирси хьунул адамла рухИлизирти дяхьурби сагьдихьуб Идбагли ﷺ илала мурул ветаурли. Ил хьунул адамлис бнгIлара дигуси – сари Идбагла ﷺ хьунул ретаэс сабри.

(хьарахьуд бирар)



(бехлибхъуд арбьякунси номерлизиб)

Нуша дунъяличи акайчи дируси мерличила бурес хляжтдеш агара, сенкун илаб нушани селра я барсбарес хедирехе, я илдазибад селра сахлейсехе.

Авэсти – дунъяла гямру. Дунъяла гямру севан деркес гягниси дахъл дурили сари, ил багъандан ил темара балтехе.

Бурехе шуэсил ва урег-ибил даражаличила. Нушаб хъумартес асухлебирар хябличилара Къиямала бархиличилара. Сенкун, илдачила хъумхертничи, авэсти гямруличи асар барес дирар. Нуша ахиратлизир Алжайзир яра Жагъаннаблизир дирехел, нуша Ванзаличир хердирнича даражализибад дигахъу.

Дила багъудлуми халати хедигъиличи херхейли, адамгас иличила гъанбикахъес, нуша чина аркьутирал ва нушачи се херлил аргъахъес халали ахленси иш жуз дураира. Жузиси «Маватинул инсан» ибси (Адамгала Ватанти) ибси у бедира. Сенкун илди нуша ляркьути ва гур аркьути ватанти сари. Ил (Аллагъли дурхъара чевяхъра варабну сай) Идбагли ﷺ, машгурти гялимтани ва шуйхрани дурути баянтазибад цалабяхъибси саби.

Нуни хяракатбарира жузлизир бекъаличила, Алжанализи яра Жагъаннаблизи ваайчи, вебкили гьегъи сай вяхлигути хябла гъабтачила, Исрафилла дядличила, Алжанализи ва Жагъаннабличила бурес.

Ну вирхулира, Чевяхъси Къудратла ВеГ Аллагъли ﷺ, иш жуз нушаб пайдаласи бетарахъиличи.

Бекъаличила хъумартурли, сунела нафсличи ва шайтлайчи лехлихъутачила

Имцлатигъунти адамти илгъуна даражаличи бирули саби. Илгъуна адамти гялхити баркьудлуми дирули ахлен, илис дигули ахлен сунела мякълав бекъаличила гъайикъуси адам левни, илини ил гясивикахъули сай. Дурхъаси Къуръаннизир Аллагъ ﷺ викъули сай: «Сунезивад хъу гъавулхъуси бекъла, чараагарли хечил бяхлигу». Рахли иличила гъанбиркаллира, ил халаси бархъагардешлизи халбиру. Бекъаличила илкъайда пикрибикъути Аллагъличи ﷺ гъамхлебирулишунра ахли, иличибад гъарахъбиркахъу.

Пашманвиъни Бекъес дигутачила

Адамлис, сунени даригти бунагъуначив пашманравиубли, Аллагъли ﷺ имцлати гъагъат бирес багъандан, гямру дурхъандиубли дигули виалли, илала къас гапласи саби.

Адамти Аллагъли ﷺ гъагъат бирули, ахъси даражара сархили, херизсра къиянбулхъули биалли, Аллагъличи ﷺ къаршиикес багъандан, вебкесра дигули виалли, илгъуна пикрира асубируси саби. Келра илди пикруми дебали къиматлати сари. ВеГлара ахъси даража биалли, жъавли яра къанни вебкешара или, бекъили пикрихлейкни саби. ВеГлара гялхиси – Чевяхъси Къудратла ВеГличи ﷺ хъарахъили илгъуна адам пикривикъули сай: «Гъар секъал Аллагъли ﷺ акахъубти сари, ил багъандан Илини Сунес дигуси бараб». Илгъуна пикрира ВеГлара гялхиси саби. Бекъес пикрибикъути адамтачила Идбаг ﷺ викъули сай: «Ху Алжанализи биркутазибад виадли, хед гялхил бирар Аллагъли ﷺ имцлати гъагъат бирес даимвиадли. Жагъаннаблизи биркутазибад виадли, хед къалабавикес хляжтдеш агара. Адамтазибад ВеГлара гялхити – дахъл гялхедешунира дирули, бахъли хербиубти, ВеГлара вайти – вайдешуни дирули бахъли хербиубти. Идбагли (Аллагъли дурхъара чевяхъраварабну сай) нушачи хъарбарисире ишгъуна балга



бучахъес: «Я, Чевяхъси Къудратла ВеГ, гямру пайдалати диалли, ну ванзаличив ватаба, наб бекъла пайдаласи биалли, ну вебкяхъаба».

Дунъяличир дахъл къияндешуни лерни багъандан вебкес дигуси адамличила

Зягипдеш, къияндешуни, къарциндеш лерни багъандан вебкяхъес тиладиикес асухлебирар. Илдигъунти лерилра къияндешунани нушала дахъл бунагъуни ишутти сари. Сабурла ВеГ ахъси даражаличире виур. Сабур Идбагла (Аллагъли дурхъара чевяхъра варабну сай) сунна саби.

Къияндешуни имцлатикни-личибли (чеввалкни, вирххерни) Ислам нукъсанбиркули биалли, ва, адамлис Исламлизивад чеввалкнича урехи алкьули биалли, илхели асубирар сунес бекъла тиладибарес ишкъайда: «Я, Аллагъ ﷺ хези нуни тиладибирула, гялхедешуни дирахъес, вайти баркьудлумазибад верцахъес, мискинти дигахъес ахъри га».

Адамти ургар бирххернича питнира тинтидарес дигули виадли, илдигъунти аварализи хлейкахъес багъандан, ну хечи арукаба». Идбагли (Аллагъли дурхъара чевяхъра варабну сай) бурибсири, ляркъян замунти, вебкисси хябрази архули чеибти, илис гъелабад хербикъули, «Ну виасри ихала мерличив» или бикъути. (Мицтирти бекъибгачи къяскабирути).

Исламла къадри камакиубси замана, адамти вабагли, пийахъли бубкяхъухели, ца гялхиси адамти гъамадарисси сай: «Я, вабагъ, сен хуни ну архлекусира?!» – или.

Бекъала къадриличила

Идбагли (Аллагъли дурхъара чевяхъра варабну сай) ибсири, бекъла муъмин адамлис савгъат саби или. Дурхъаси имам Аль Гъазалини ил баянбирули иб: – вирхаруси адамлис иш дунъя сай катурси курван гъанарар. Ишаб илис сунела хяланачил, яра шайтлайчил, яра хъуланачил ургъес чевкъули саби, вирхаруси адам илдачилси даимси дявили инжитирули сай. Бекъали биалли ил илгъуна дявилизибад азадвалтули сай. Идбагли (Аллагъли дурхъара чевяхъра варабну сай) иб: «Бекъла шабагъатли ахленсилс гямрура шабагъат ахлен. Вирхарусилис бекъла цаибси шабагъат саби, сенкун вебкили гьегъи Чевяхъси Къудратла ВеГли ﷺ илис сунени хядурдаригти шабагъатуни чедиахъу». Ца Асхляблизи суалбарихъели, хела ВеГлара гялхиси колдашлис се дигахъади или, илини ибсири – «Бекъла» или. – Бекъалис гьегъи? – суалбаригтири адамтани. – «Камти дурхънира лебдешра (баарицад), – илгъунари жаваб».

Ца адамти Макхул бикъуси вали адамлизи Алжан дигахъиду или хъарбаибхели, илини иб: «Дигахъаси». Хебиалли, Алжан дигахъули гьегъи, хед вебкесра дигахъес хляжати саби, сенкун Алжанализи викес вирар вебкили гьегъишун.

Бекъла гъанбиркахъни

Идбагли (Аллагъли дурхъара чевяхъра варабну сай) иб: «Адам дунъяла къулайдешуназибад къябудахъуси бекъла гъаман гъанбиркахъая. Хуша давлачерли ва къайгъи агарли дирухъели, бекъла гъанбиркахъничи паргъатдирахъура. Хуша мискинни, сабур каберхурли диадалли, гъаман бекъла гъанбиркахъая, илхели уркиличиб рахъитдеш бирар. Пурра илини иб: «Ху пикриухъен, се багъандан бекъла хлейгахъусирил, ил бати, илхели хед авара хлебирар ху мурт убкудал». Пурра илини иб: «Хуни мурталра бекъала сипат сегъунал гъанбиркахъа, илхели дунъяла жагадешуналара нукъсандешуналара хед авара хлебирар». «Бекъаличила хъумхертусили гямрула къияндешунира къулайдешунира паргъатли-дурусли чекайсу». Бекъаличила гъаман гъанбиркахъуси, хябал хасдешли ахъурцу:

Пелайзи архедухили тавбу диру (пашманвирар);

Лесиличи разили вирар;

Аллагълис гъагъат бирес

азгъинхлейрар;

Бекъаличила хъумартурси хябал

секъал багъандан гъабтази вирку:

Аллагъли гисиличив разихлейрар;

Аллагълис гъагъат барес азгъинвирар;

Пяйшатли (Аллагъ разили калаб сунечи) Идбаглизи (Аллагъли дурхъара чевяхъра варабну сай) суалбарисире:

«Къиямала бархли хисаб-суал агарли Алжайзи бурхъути адамти бирару?» – «Гъар бархли 21-йна иш буруси: «Аллагъума барик ли филмавти ва фима багъдалмавти, хисаб-суал агарли Алжайзи аркъян», – илгъунари жаваб. Пурра Айшала суал: «Мяхшарла бархли шагъидуначил варх гур чи алзана?» Жаваб: «Дуги-херили гъайна бекъаличила гъанбиркахъуси Къиямала бархли шагъидуначил варх алзан».

Бекъла гъанбиркахъес чараагарси ца гъагъира сабаб

Ашкарливан, нушани гямрулизибад дирусигъуна гъагъа кайсулира – дукулира, дужулира, жагали палтарла дегъидурла, къланти буруш-гъанайчиб гъанк ихъулра, рахли, хаба-рагарли, нушаб бекъла гъебиули саби, капайзи дергурли къакъаси хяблизир дагъардирула. Рухи чархлизи чардулхъули сари, илхели Мункар-Накирла суалтас жаваб гес хедиахъелли, хябла гъабтази дехъидурхъули сари. Илгъуна даражаличи хедикес багъандан, нушаб хляжати саби гъаман бекъла гъанбиркахъес.

Адам идбаг ﷺ акахъубли гьегъи, малаикунас ашкарбиубли саби илала зуррият (наслу) имцлабикъули биъни ва Чевяхъси Къудратла ВеГлизи ﷺ иличила гъанбикахъили, бикъули саби: «Бахъли агарли Адамла дурхънас ﷺ ванзаличиб мер хебиан бирар». Чевяхъси Къудратла ВеГла ﷺ жаваб: «Илдас нуни бекъла бурхъис, илхели илдала лугли камбирар». Илхели ма-

лаикунани иб: «Саби бубкни балали, илди гямруличи разихлебирар». Аллагъла ﷺ жаваб: «Нуни илдазиб умут имцлабирис, илхели илдани бекъаличила хъумурту».

Идбагли иб: «Адамла ﷺ дурхънани бекъаличила далутицад хляйвантани далути диалри, Адамла ﷺ дурхънани мурткъал гъяваси дигъ хлебуки». Дибкили гьегъи нушачи се херлил балули, бекъаличила хъумкартничи, нушала иман камбирахъули саби. Иман камси адам, бекъла гъанбиркахъули виаллира, илизибад урухъули ахлен. Бекъла гъанбиркахъуси ва илизибад дебали урухъуси адам, цархил секлайчила пикриикес хлейрар. Илала пикруми урехиличила яра дигусиличила сари. Масала, жагъал бекъ хлебукиес хукму барисси туснакъчис бизисси беркалара, къланти буруш-гъаналара гъаладихъили ил разихлейрахъу, илини илдачи пикри бяхъичхейу, ил паргъатагарли, гъанк бемцурли, ца хули липла манзиллисра усхелъган. Ил багъандан, бекъла гъанхлебиркахъуси ва иличила пикри хлейкуси адамлис, бекъла хъумхертгахъести далитти гъаладихъни гялхиси саби. Масала, беккибти тянишунни, илди хярибирхъни, мицирхели илди сегъунти бирил, севан гямрулизибад гъагъа кайсибал, гамъабиубти илдала хъунри, илдала жагати дяхъ-някъ секъайдали мулкъали дугал ва ила адам гъаман хябрачи вашалли, беккибти гъанбиркахъалли, илгъуна гъаман бекъаличила пикриулхъан, иличи хядурдеш биру, илхели, багълакабиубли дунъяла гъар секлайчи иштяк камкабирар.

Ца адамлизи сен ху гъаман хябрачи вахъусири или хъарбаибхели, ил викъули сай: «Ишди дила дигути унруби саби. Илдани ахирра ахир ну лывкъуси мер гъанбиркахъули саби, ва, ну чучивад арякунхели, наб гъелабад гъайбикъули ахлен».

Идбагли ﷺ иб «Ну хушази хябрачи мадашудая викъусири. Гъанна багъарая: гъанна ну викъулира – даширая хябрачи, илхели хушала къаркъти уркъи кълантидира, бекъла гъанбиркахъу, хулиб нургъбани садирхъу».

Бекъала гъалаб лебилра дурусти саби. Гъар секъал бекъаличил тамандирути диаллири, гъариллис бекъла къулайдешли бири. Амма иличила хъумартгахъес чевкъули саби Мункар-Накирла хисабсуалира гъабтазира.

Вебкисиличи херизурли, Идбаг (Аллагъли дурхъара чевяхъра варабну сай) пикриухъун ва иб: «Ху херизи вебкисиличи, ну вирхарус, илхели хела уркъи хумарбирар. Пашманси адам Къиямала бархли Чевяхъси Къудратла ВеГла ﷺ Пяршла дяхъилиув вирар, ва иличи гялхедешуни херли сари».

Бекъаличила хъумартурси адамличи сегъуна биалра насихъитли асар бирули биалли, илгъуналичи асар биру вебкисси чеибхели аклубти пикруманнира. Амма къаркъти уркъала бегъачи илини халаси-деклар асар хебиру. Илдас гъанбиркур мурталра цархилти хярибирхъу, чучира мурт биалра илгъуна яра сабиур ибси пикрилра хебирар. Мурталра хярибирхъути чебиули, ил шайчир авара агарли, илдани дунъя бархъатур или, илдачи гайцбикъар. Амма пикрихлебулхъан, вебкисси севан къаркъси виаллира, итаб илдачи херли биъни. Вебкисси колдашличила децкъули, багъи, жагъал хура илис гъелабад аркъад. Урухъен хечи херти гъабтазибад.

(хъарахъуд бирар)

ЯНИЛИЗИВ СЕКЪЯЙДА КЪАРКЪА АРАДЕШ БИХЕС ГЯГНИСИЛ

Лебил Россиялизи садаиб яни. Дяхила цубдеш саби чинабалра. Бурхли квантдиуб, температура гяшбиуб. Нушаб биалли дярғлядярғлес багъандан аргъ хлясибли палтарла дегдирес гягнили саби. Дугярти янила бузразир, гъайгъай, азгъндешра чедашули дирар, хянчи баресра иштял хлелбирар. Ванаси хьули виаркайили чайлара бужули замана берклес дигесли саби.

Наб беглара дигуси замана хлелба манзил саби. Ваналели нушала иштялра имцали бирар дзес, шадир дашес, гъай-хлер диклес. Бархли бухянси биъни багъандан дахъл секлал дарес далкьурули дирехле. Ил багъандан адамла гъавра ахъли бирар. Бугярдеш имцалтас хлейгахъу, янили илдачи пашмандеш башахъу.

Сен биалра, янила бузразирра нуша арадешличила пикридиклес чебси саби. Нушала къаркъа арадеш Чевялси Аллагъли ۞ нушачи аманат барибси саби. Ил багъанданра нушачиб чебли саби къаркъа арадеш бихес. Къаркъа бузнила даражаличи чекадизес хляжатдеш янилизиб гъатгирра имцали бирар.

Нушала гъав гяшбиалли нушала диннашалси бирхаудилисра зарал имцалибикули саби. Бусурмантира гядатла адамти саби, амма цаибил къайлизиб илдала Аллагъли ۞ гйбадат бирни саби, илхелира илди вайси хляйчиб биес гъеч асухлелбирар. Ил багъандан нушани ишар дурути насихятуни багаладирниличи дирхулра.

1. Дубдурценая

Яни – пергер манзил саби дубурцес. Бурхли квантти сарни багъанданра ил барес гъамадбулхъули саби. Мисаллис, хлушани черахъес дирудая Рамазан базлизир уркалунти дуббуцари. Яра дигалли суннатла итни ва хамис бурхли дубдурцес дирудая. Янилизиб гъамадси саби дубурцес, я

буцардешли инжитхлейрар, я бархли квантхлели жявли гушхлейрар. Мухаммад Идбагла ۞ бархкьябанира янила манзил илкьяйда буркьусири, адамтасра иргъахъусири илала пайда.

Аргъла барсбиъни нушани гяшлшал пайдалабарили манзил берклес дирехле: дулгули, дучули, иман цакабиклахъули. Илкьяйда бирахлели нушала хлер барсбирар, сагати имканти имцадирар, дубдурцили нуша рухлалашал давлачердирура, даража ахъбирар, сагати гяшлти къиликьуни гъаргдирар. Нуша биалли Аллагъли ۞ шукру дикьули калехле.

монни адам талихлечевси хляйчи уршули сай, гъав ахъбирахъули саби. Хьулир зарядка дирес къиянбулхъули биалли гъаннала манзил гъар мерлар абхьибти фитнес-центрти лер. Ила вашалли къаркъа къуват цакабикьули саби ва се биалра вегличичи хъарси барес къасчевдеш имцалибикули саби.

3. Вегличичи хлеруди биреная

Аргъла барсбикини, бугярдеш, дягил ва цархилти дарсдешунани дяхла камличи, гъезличи ва нукубачи вайшал асарбирар. Ил багъандан къаркъайчи, дяхла камличи, гъезличи имцали хлеруди бирес чебиркур. Ил

кайсули ахленра. Илала агрили биалли къаркъа бирканти жявли думсутили ва назиктили детарахъули сари. Хасси диета бузахъули витаминти даараила къадар нушала къаркъайчи даахъес къайгъибарес чебиркур. Бялихъ, нуси, гидгари, цедешла сок имцали пайдаладирадалли илдазибад кайсехле нушани нушала къаркъайс чараагати витаминти, илдачил барх витамин Д-ра.

Иммунитет цакабарес багъандан белокуни имцали пайдаладиреная, илди дирар дьглизир ва хъарализир, оливкабала гявадеш, хиви ва деклардеклрти цедеш.

5. Шала имцабарая

Яни бурхли квантиси замана шалара камли бирар. Ил масъала арзес вирар шала имцали лугути лампочкаби асили. Или барадалли берхила шала имцалиубсин билзан ва къаркъа гъав ахъбирар. Гямруличичи иштялличил хлердикьуда.

6. Хъалибаргличил имцали замана буркленая

Умуси гъаваличиб хъалибаргличил варх къунзухъни гъав ахъбуцес, урки разибарес ца гъатли сабаб саби. Дагъистайзир дяхлиличилти янила бурхли камли дирар, сен биалра биштлатачил хляз барести мерани даргес вирар. Мисаллис, хъалибаргличил парклизидукъес дирудая. Чяйла термосра нуси-къацлра дарх касес вирар. Хъайгиб барили хлядурбарибси чякала тлакъара, илкьяйдали парклизирти арцанти дахес анкли яра мучира дарх касес вирар. Илгъуна далдурцини диралли хлушала биштлатазир бусурмантала гяшлти къиликьуни гъатгирра цакадиклар.

Ахирличибра бурес дигулра, яни – пергерла манзил саби. Илала бугярдешличичи хлерхлели гъарил вирхусила уркилизир мурталра хлелкаммадиаб. Гяшлбаркьуни дирули разили калабая, уцахъуси икъала имцали биреная, ряхлмучевси Аллагъли ۞ шукру дикленая.

САИДА ИБРАГЪИМОВА



2. Гъаман къаркъайс далдикибти упражнениеби дирар

Яни берхила шалара ванадешра камхлели къаркъайс гягнитти гормонтира камдирар, илкьяйдали серотонин гормонра. Серотонин разидешла ва талихлечевдешла гормоннизи халбириси саби. Ил камбиалли нуша пашмантили детарулра ва гъав гяшкьабирули саби. Илдачил къайли гъанкьлра бемцалли гъатгирра вайтладиркур. Гялимтани кабизахъни хлясибли, савли яра цархил манзил зарядка диралли, адамла къаркъайчи гяшлалашал асар бирули саби: бекла мехлелизиб бетаруси ил гор-

насихят хьунул адамтасун ахленну мурул адамтасра багала бирар. Ванализи урхъула зе дархаили къаркъайчи хляйкабатахъес вирар. Дяхл-някълиси хаста витаминтала маскаби дарес вирар. Илгъуна процедурабани, гъайгъай, гъавра ахъбиру, къаркъа арадешра имцабирар. Ислам хлясибликун нушачиб чебси саби нушала арадешлис мурталра къарауйчир дирес.

4. Арадешчебси ва пайдаласи беркала биреная

Нушала къаркъала витаминти камдиубли назикбирули саби. Илкьяйдали берхила шала камбиънилира нушани витамин Д баарила къадар

Ниъла стакан

Гушдешли усалвиубси урши къакъакадли хъайчивад хъайчи вашули дурглети ваял дирцулри, сунела белчудилис даари арц дарес багъандан. Илала кисалаб ца гягбаси сабри калунси. Гашали гяжизвиубси илини къасбариб глергъиси хъулиб се биалра беркесил тиладибарес. Амма, сунени дяхъибси къутлис жагъси хьунул адамли унза абхьибхлели, илини урузвиубли хилхли иб: «Асубирару наб шинна бержес?» Хьунул адамлис ил дебали гушсин бизур, ва шинна мерличиб илис ниъла стакан сабухиб.

Илини къалабахлейкули халаси гяггямличил ний держиб ва иб:

– Хуни барибси гяшлеш нуни секъяйда чебахъиша? Се биалра хъайгиб барес кумек гяггнили биалли нуни бирис.

– Баркаллагъ, селра кумек гяггнили ахлен. Дила халанеш рикьусири, хлушани гяшлбаркьлиси барибси гяшлеш вецнадли имцалиубли хлушачи чарбулхъуси саби, или.

– Хебиалли, халаси баркаллагъ, урки-уркйилабадси баркаллагъ!

Илавад арякъи ил хъайги чариуб, амма ил хьунул адамли дурибти гъай илала уркилизир мурталралис калун.

Ардякъун дусми. Жагъси хьунул адам рухънакараиб ва декли зягиприкиб. Мерла тухтуртани илис кумекбарес хлелбули ил шагъарла больницализиди рархъиб. Кумек барахъес иличи машгъурси тухтур живариб.

Вакьибси тухтурли бара хлеръибмад, жявхлелла, баягъи сунес бара тянишси хьунул адам рагъур. Илини ил рерцахъес



сай вируси бариб. Декиси изайчилси дяви бахъли калун. Биалра, тухтур изайчив чедивикиб. Ил хъайги рархъес замана баибхлели, тухтурли тилади бариб лерил дармунтас дарибти харжанала счет сунес чебаахъес. Илис счет гъалабихъиб. Тухтурли бара хлерван изурли кагъарла къярдлизи серил белкун.

Хьунул адам больницализирад хъайги рархьибхлели документуначи хлеръес уружкьули калун. Илис гъанбиркулри сунес глямру кайкайчи ил счеллизибси багъа бедес багъандан рузес гяггнибиркур или. Ахирра, руржути някъбани илини клпли гъаргъяхъиб ва белчун: «Багъа бедибси саби ниъла стакайчил». Удиб белклири: тухтур Закир.

Ахирличиб

Нуша аклахъубси Чевялси Аллагъли ۞ нушачи баахъиб (мягъна): Рахли хлушани барибси гяшлеш хясала къякъад биалра ил хлушани чебиидая. Барибси вайдешра, тятп илкьяйдали хлушаб чебахъу.

– Бунагъ биуру нуни мурулла ва илала тухумтала ибси хлебарили хьунул адамла лебил куц-кабиз кIапбирути палтар чегъасли (хIижабличил регIриасли)? ЧевяхIси Аллагъли ﷻ ну гIеррурцусу или барасли?

– Лебтасалра бални хIясибли, хьунулли мурулла ибси бирес чебси саби, илала гIелабтала хIурмат биресра. Амма ЧевяхIси Аллагъли ﷻ асубирахъуси яра къадагъа барибсила чебакад ил масъала цараван ирзуси саби. Цараван буралли, мурулли бурибси Аллагъли ﷻ чебаахъибсилезибад декIарбулхъули биалли, хьунулли ил викIуси барес чебси ахIен, чебси саби Аллагъли ﷻ гьунчилад вашес.

Хьунул адамла, яра балугъличи раибси рурсини бусурмантала къанунти хIясибли дяхIра някъ-бира ахIи лебил къаркъала кIапIбарес чебли саби. Хебиалли, муруйс хIейгибизалра ил кIапIли риес гIягIнили саби.

Амма муруйс ва илала тухумлис вайхIебизахъурли, илгъуна хъул лебли биалли, къасбарая жагали лерил тяхIяр-къяйда аргъахъес. Исламли секъяйда хьунул адамлис хIижаблизии регIриасхъес чебаахъилил бурая. ГIяхIти къилихъуни чедаахъили, аргъахъая нушала динна жагадеш ва гIяхIдеш. Илкъяйда барадалли, ЧевяхIси Аллагъли ﷻ шайзибад хIушаб халаси шабагъат бирар.

– Ванзаличивси цаибил адамличила бурили дигахъ-ира – Адам идбагличила ﷺ.

– ЧевяхIилли адамти акIахъес къасбарибхIели илини пикрибариб лебил адамтала жинсла хала ада варес Адам ﷺ. Илини ﷻ Израиль малайк вархъиб гIянжи хахъес. Малайкли цIудара ва хIунтIена, кIантIитити ва чIумати, дубурти-диркъурбачирад ранг-рангла гIянжи хиб. Пур бекIлала малайкли, Къудратла ВегIла ﷻ буйрухъ хIясибли мурути, къутIкъути ва зукъити шинни дашун илди гIянжи. ИлхIели, шинна тIем декIарси биъни багъандан ва гIянжи жура-журала мераначирад цаладахъибти дIъгни багъандан саби илала насаблизити адамти куц-кабизличил декIарбулхъути. Аллагъли ﷻ декIар-декIарти адамти акIахъуб: гIяхIти ва вайти, цIубти ва цIударти, жагати ва ахIенти.

ГIянжилезивад варили рухI агарси Адам ﷺ камси заманалис Алжанала дякъличи тIашватурсири. Илала жагаси, ахъси къаркъа куц чебаили, гъаб-уб илгъуна чехIебаибти малайкуни тамашабуубтири. («Идбагунала тарих»).

Абу Хурайрала ﷺ гъай хIясибли бурули саби, Аллагъли Расулли ﷺ иб: «Аллагъли ﷻ Адам ﷺ 60 декIла ахъсири (30 метрла)». (Бухари).

«Фатх аль-Альям» бикIуси жузлизиб белкIи саби: Адамла ﷺ къаркъа ахъдеш 60 декI (30 метр), хъуцIрумала бягIуд 7 декI (3,5 метр). Илала хьунул ХIявара илгъуна куц-кабизла регI руили сари. Адам ﷺ жагаси уили сай, ХIява биалли малхIямси, ряхIятси ва адуцалачерси.

ХIурматла узби ва рузби!
2017 ибил дуслис «Ас-салам» газеталис къулбасбирес даимбуубли саби.
Газета къулбасбарес вирар чиди-дигара почтала отделениелизиб. Илкъяйдали Дагъиста лерилра районтазибти нушала хIянчизартачибад.
«Ас-салам» газета къулбасбирули, Дагъистайзиб Ислам тинтIбирнилизии хIушалара пай кабирхъулрая. Къудратла ВегI Аллагъли нушала уркIазиб иманра, Исламра, динничидигира имцIадараб. Дусла духIнар дурадулхъути газетабала багъни бузри хIясибли дарсдикIар! Дирхулра, нушала бучIанти газета агарли кахIевлан.

– БяхIунси някъ гачби-калли хIярцIла журала мицIирагла гуйзибад барибси хIякаличи дазала дулгъутив? Дулгъути диалли секъяйда дазала сагадирутив, верхIна дарес гIягIнитив, яра умути гIянжиличил дарес гIягIнитив?

– Имам Шафийла мазгъаб хIясибли, сегъунадигара мицIирагла кабц, сунелара дIъ беркайзиб пайдалабарес асухебируси, цурала ва хяла ахIенси, ва илкъяйда сунела дIъ беркес асубируси, амма саби ШаригIят хIясибли хIебелгъунси мицIирагла кабц (гули) – дабагъла барибхIели умубируси саби. Гъез биалли умухIедирар. Амма някъ илизи гъамбиалли дазала дулгъути ахIен. Гачбикунси мерцун бирцаллира баибси саби.

Сунела дIъ беркес асубируси ва саби ШаригIят хIясибли белгъунси мицIирагличили гъайикIалли, илала гъез ва кабц умути сари дабагълахIедараллира. ВерхIна ицуси биалли, гIянжила кумекличилра, цурала яра хяла нажасаличи гачбикалли саби. ЦархIил журала нажас биалли шинни ицуси саби гIягI уббизайчи ва умубийчи.

– Дугели къарауйчивси (дежурствола) замана хIянчиличир дазала дарес чевкъули бирар. Амма нушани къяшми ицуси мердяхI-някъ ицуси мерличибад вецIал метрла гъарахъли саби. Илкъяйда дазала дарес асубирусив?

– Дазала дирнила тяхIяр-къяйда хIясибли, лерил ицути биркIанти гъабIгергъидешличил ицути сари. Ца беръайчи царал бирцес гIягIниси саби. Амма ца биркIан бирцайчи царал беръаллира (буцIарси замана) дазала дулгъути ахIен. Суннатлизи халдирути сари къябхIедердахъили дарибти дазала.

– ДехIибала дируси мерличир яра палтарличир кадикибти гъез лердиалли, дехIибала халдирутив?

– Адамла гъез мурул адамла диаб яра хьунул адамла диаб нядешлизи (нажаслизи) халдирути ахIен. Ил багъандан, гъез лерси мерличир дарибти дехIибала дулгъути ахIен. Амма илди мяхIрам ахIенси хьунул адамла диалли илдачи хIерикIес хIярамсилези халбируси саби. СенахIенну хьунул адамла гъез гIавратлизи халдирути сари, гIавратличи биалли хIерикIес къадагъа-барибси саби.

ХIурматла узби ва рузби!
Динничил дархдасунти, «Ас-салам» редакциялизи яра даргала «Ас-салам» газетала редакторличи суалти лердиалли, хIушани телефонна иш гIергъисии номер хIясибли зянкъдяхъес дирудая:
+7 (928) 512 55 35.
Диубсигъуна кумек бирехIе, ин шаа Аллагъ!!!

– Къуръанна транскрипция (ируситяхIярли дев лукIни) бирес асубирусив?

– Дурхъаси Къуръан лукIес асубируси чIянкIли саби нушачи баибси мезличил – гIяраб хIурпрачил саби. Къуръан гIярабла ахIенти хIурпрачил лукIес къадагъа-барибси саби.

Амма Къуръанна аятуни урусла хIурпрачил делкIунни дурайути арц багъандан сари. Илди Къуръайзи халдарес хIейрар, ил багъандан илди делчIхIеделчIалли гIяхIси саби. Урус мезлицун бучIес балутас биалли, мисаллис буралли, гIяхIси саби бархъли белчIес сура «Аль-Ихлас» (Къульгъу) сабира балуси адамлизи хъарбаили. Ил сура цайна белчIалли шабагъат бирар Къуръанна хIябал бутIала ца бутIа белчIунсигъуна. ХIяйна белчIалли лебил дурхъаси Къуръан белчIунсилези халбируси саби.

– Хьунул адамла бекIла гъез кIапIхIедаралли ил хъули малайкуни адхIедицIур ибси бархъсив? Гъез кIапIхIедарилихъалли делси кадихъили диалли муруйс жагадизахъес?

– ЦацадехI жузазиб белкIи саби малайкуни хIедашу гъез гъаргси гIунул адам лерси хъули или, се пикриличил илини гъез гъаргдирули риалра.

Имам Ат-Табаранини сунела «Аль-Муджам аль-васит бикIуси жузлизиб белкIи сай Хадиджаличибадси (р.а.) хIядис сунезибра буруси: МухIяммад Идбагличи ﷺ вачуси Жабраил ﷺ малайк ца илисцун сайри чейуси. ГIурхIели нуни кIана чебасили гъез гъаргдарира ва Идбаглизи ﷺ хъарбаира: «Гъанна хIуни ил чейулирив?» – илини иб: «АхIенра». Нуни ира: «Валлагъи ил чихъти адабдешла малайк уили сай, ил шайтIан ахIен».

Аль-Хаттабини ва цархIилтани бурни хIясибли хъули адхIейцIути малайкуни ряхIму-уркIецIила ва баракатла сари. Адамличи хIердикIахъес дархъибти ва илала гъар бархIила баркъ-бац лукIути малайкуни биалли мурталра дарх дирути сари ва илизирад декIардирукити ахIен.

Сен биалра, хьунул адамла гъез хъулир кIапIдарес къиянбулхъули хIебиалли, илди кIапIдарни гIяхIси саби. Сунела мурулла гъалар ва цархIилти мяхIрамти мурул адамтала ургар гъаргдарес асубирулихъалли.

Рузнама

Февраль

Дни	Утренний Ас-СубхI	Восход солнца	Обеденный Аз-Зугър	Послеобеденный Аль-ГIаср	Вечерний Аль-Магъриб	Ночной Аль-ГIишаъ
1	05:26	07:03	12:05	14:40	17:04	18:34
2	05:25	07:02	12:05	14:41	17:05	18:35
4	05:23	07:00	12:05	14:44	17:08	18:38
6	05:21	06:57	12:06	14:46	17:10	18:40
8	05:19	06:55	12:06	14:48	17:13	18:43
10	05:17	06:52	12:06	14:50	17:16	18:46
12	05:15	06:50	12:06	14:52	17:18	18:48
14	05:12	06:47	12:06	14:54	17:21	18:51
16	05:10	06:44	12:06	14:56	17:23	18:53
18	05:07	06:41	12:05	14:58	17:26	18:56
20	05:04	06:38	12:05	14:00	17:29	18:59
22	05:01	06:35	12:05	14:02	17:31	19:01
24	04:58	06:32	12:05	14:04	17:34	19:04
26	04:55	06:29	12:04	14:06	17:36	19:06
28	04:52	06:26	12:04	14:07	17:39	19:09

Рузнама МяхIячкъалала шагъарлис саби

Рекомендовано каноническим отделом Муфтията РД для г. Махачкалы